

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



SA EXAM  
PAPERS



# basic education

Department:  
Basic Education  
REPUBLIC OF SOUTH AFRICA

## SENIOR CERTIFICATE/ NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2020

EMAMAKI: 70

SIKHATSI: Ema-awa 2

Leliphepha linemakhasi la-13.

**TICONDZISO KULABAHLOLWAKO**

1. Leliphepha lehlukaniwe TIGABA LETINTSATFU:  
SIGABA A: Sivisiso (30)  
SIGABA B: Sifinyeto (10)  
SIGABA C: Takhi netimiso tekusetjentiswa kwelulwimi (30)
2. Fundza TONKHE ticondziso ngekucaphela.
3. Phendvula YONKHE imibuto ngeSiswati.
4. Cala LESO NALESO SIGABA ekhasini LELISHA.
5. Dvweba umugca emva kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Caphelisisa sipelingi/lupelomagama nendlela lewakha ngayo imisho.
9. Siphakamiso sekulawulwa kwesikhatsi:  
SIGABA A: Lokungenani emaminithi la-50.  
SIGABA B: Lokungenani emaminithi la-30.  
SIGABA C: Lokungenani emaminithi la-40.
10. Bhala ngebunono nangesandla lesifundzekako.

**SIGABA A: SIVISISO****UMBUTO 1**

1.1 Fundza letheksthi bese uphendvula imibuto lelandzelako.

**ITHEKSTHI A**

<b>MAKHALEKHIKHINI ANGAKUFAKA ENKINGENI</b>	
1	Linyenti lebantfu alikwati kuphila ngaphandle kwabomakhalekikhini babo, licitsa sikhatsi lesinyenti libagcolotele. Loko kuphatamisa kusebenta kwabo lokungagcina kubacoshise emsebentini.
2	<u>Ekucaleni kwalomnyaka, kwabonakala lomunye losebenta emahhosisini eLitiko Letasekhaya atsatsekile ngamakhalekikhini wakhe ngesikhatsi semsebenti.</u> Loko kwasusa umsindvo, bantfu bacala bayibuka ngalelinye liso indzaba yekusetjentiswa kwabomakhalekikhini emsebentini. <b>Ephalamende kwaphuma sincumo sekutsi bantfu bangasabasebentisi bomakhalekikhini babo emsebentini.</b> 'Kuyintfo lembi kutsi bantfu labafuna lusito bacitse sikhatsi lesidze emahhosisini eLitiko Letasekhaya kodvwa basebenti bamatasatasa etincingweni tabo. Lokubalulekile kutsi bente umsebenti wabo,' kusho Hlomani Dlamini esitatimendeni sakhe.
3	Njengobe sikhatsi lesisicitsa kubomakhalekikhini naku-inthanethi sengca sikhatsi lesisicitsa sibuka mabonakudze nobe silalela umsakato, tinkapani letinyenti setibeke umtsetfo lotawulawula kusetjentiswa kwamakhalekikhini emsebentini. 'Njengobe kucashwa bantfu labasha kantsi nabomakhalekikhini baya ngekuphucuka, tindzawo tekusebentela tibukene nenkinga. Basebenti bacitsa sikhatsi lesinyenti bachofotana nabomakhalekikhini lokwenta bangalali ngalokwenele ebusuku, konkhe loko kunemtselela lomubi emsebentini,' kusho lomunye lonelwati lwemitsetfo yetekuchumana.
4	Ngekusho kwalomunye longuchwepheshe etindzabeni tebasebenti, Mavukela Kunene, utsi umcashi unelilungelo lekulawula indlela basebenti labatiphatsa ngayo emsebentini. Loko kuyasita ekwenteni tintfo tihambe kahle emsebentini nekutsi basebenti bati lokulindzeleke kubo ngesikhatsi semsebenti. Awukho umtsetfo locondzile lomayelana naloku kodvwa umtsetfo ubekwa yinkapani. Basebenti abakavumeleki kwenta leminyane imisebenti yabo leseceleni ngesikhatsi semsebenti nobe basebentise lucingo lwemsebenti kushayela lokungahlangani nemsebenti. Letinye tinkapani atinankinga nekusebentisa makhalekikhini ingce nje uma kungaphatamisi umsebenti wakho nobe wazakwenu.
5	Timo letiphutfumako njengekutsi ushayelwe esikolweni semntfwanakho nobe ugule, leto timo lesingeke sikwati kutilawula. Kungavumeleki kusebentisa makhalekikhini kuletinye tindzawo, kusuke kuvikelwa wena njengemsebenti. Loku kufaka ekhatsi kusebentisa makhalekikhini etindzaweni letinemakhemikhali lokungaba yingoti kuwe nalabo losebenta nabo. Kungabuye kukucoshise ngobe wephule umtsetfo wenkapani. Lochwepheshe uchubeke watsi, umcashi unelilungelo lekubeka imitsetfo kodvwa lengeke icindzetele bantfu.

6	Loku kusho kutsi umcashi unelilungelo lekubeka umtsetfo lovimbela kuphatsa bomakhalekhikhini nobe kusetjentiswa kwabo emsebentini nangabe lowo mtsetfo ungeke uhlu-kumete basebenti.	
7	Kulula kutfumela lwati loluyimfihlo ngamakhalekhikhini, ngiko letinye tinkapani tingakuvumeli kutsi asetjentiswe emabaleni ato. Inkontileka loyisayina ngemva kwekutfola umsebenti ingachaza kabanti ngekutiphatsa kwakho emsebentini. Njengekutsi ungakhiphi lokuyimfihlo kwalapho usebenta khona. Lochwepheshe utsi kukhipha tindzaba tasemsebentini kungagcina sekukufake elubishini. 'Lwati loluyimfihlo, luyintfo lebalulekile emsebentini. Nangabe kwenteka udzalula lolo lwati, ungacoshwa nobe uboshwe ngenca yekukhipha timfihlo tenkapani,' kwenaba yena. Nanobe ufisa kutfumela sitfombe salokugcokile, kufanele ucinisekise kutsi akukho kwenkapani lokuyimfihlo lokuvelako. Hlomani utsi, 'balekela kutsatsa titfombe lapho usebentela khona ngobe kungenteka kutsi kukhona lokuyimfihlo lokungakafaneli kutsi kubonakale, wena longakuboni.'	45 50 55
8	Akusibo bomakhalekhikhini nje kuphela lababanga yinkinga, i-inthanethi nayo ifike netayo tinkinga. Sekukanyenti siva kutsi bantfu bacoshiwe emsebentini ngenca yetinkhundla tekuchumana, kungaba yintfo labayikhulumile nobe labayivete kuletinkhundla. 'Sekumatima kuba netimfihlo lomuhla. Balekela lokutakufaka enkingeni ngisho nanobe ungekho emsebetini,' kusho Hlomani. Mavukela longucwepheshe wetindzaba tebasebenti uvumelana naHlomani ngekutsi, ungacoshelwa intfo loyente ungekho emsebentini nangabe ingakubangela ematinyo labusheleleti kumcashi wakho. 'Uma ululata ligama lakho, ululata nemsebenti wakho lokungenta umcashi wakho angasafuni lutfo lokuhlangene nawe ngobe angahambisani nendlela lotiphatsa ngayo,' kwenaba Mavukela. 'Ngike ngaba secaleni lalabanye bebasebenti lebebaye emcimbini kulomunye umuti ngempelasontfo. Lomunye wabo wakhuluma lokungamange kwehle kahle kumcashi wakhe. Wanikwa secwayiso wabese sewuyacoshwa.'	60 65 70
9	Kunalamanye emacala lapho umcashi acindzetelwa ngumtsetfo kutsi akutsatsele tinyatselo, njengekusebentisa tinkundla tekuchumana kuhlukumeta ngekwelicansi, kubandlulula ngekwwebuhlanga nobe kusongela lomunye umuntfu. Umcashi unelilungelo lekukutsatsela tinyatselo nangabe lokwentile kungcolisa ligama lenkapani. Awugcini nje ngekutibeka enkingeni yekulahlekelwa ngumsebenti, ubuye utifake enkingeni yekuboshwa, njengaloko lokwehlela Vusi Maseko. Watfolwa atsetsisa emaphoyisa emva kwekubulawelwa lifasitelo lemoto yakhe antjontjelwe eJozi ngemnyaka we-2016. Lokunye longaboshelwa kona, kuhudvulela ligama lalomunye umuntfu phasi.	75 80
10	Hlomani utsi kubalulekile kutsi utiphatsa kahle. Ngisho nanobe usecenjini letinkhundla tekuchumana temndeni, ku-imeyili lengakaphatselani nemsebenti, ngisho nanobe ukuphi, lokwentako, kubonwa ngummango wonkhe.	85

[Isuselwe: *Bona*, 2017, likhasi 35]

- 1.1.1 Kunamtselela muni lomubi kutsatsa titfombe ngamakhalekhikhini endzaweni lefana nasemsebentini njengobe kuvetwe kuletheksthi? Nika MUNYE. (1)
- 1.1.2 Khetsa YINYE imphendvulo:  
LeJozi lokukhulunywa ngayo kuletheksthi itfolakala kusiphi sifundza?  
A Esifundzeni saseLimpopo.  
B Esifundzeni saseMpumalanga.  
C Esifundzeni saseGauteng.  
D Esifundzeni saKwaZulu-Natal. (1)
- 1.1.3 LeLitiko Letasekhaya lelitfolakala kuletheksthi lengenhla libaluleke ngani emimangweni yaseNingizimu Afrika? Bhala KUBILI. (2)
- 1.1.4 Chaza lenkhulumo letsi, 'kuhudvulela ligama lalomunye umuntfu phasi.' (2)
- 1.1.5 Etikhatsini talomuhla, bomakhalekhikhini banabuphi bubu emindenini? Bhala KUBILI. (2)
- 1.1.6 Veta tindlela LETIMBILI batali labangancandza ngato bantfwababo kusebentisa bomakhalekhikhini ngalokwecile. (2)
- 1.1.7 Ngimiphi imitsetfo LEMIBILI umcashi langayibeka kute basebenti bangaphatamiseki emisebentini yabo ngabomakhalekhikhini? (2)
- 1.1.8 Phawula ngalesitatimende lesibhalwe sacindzetelwa endzimeni yesibili. (2)
- 1.1.9 Ucabanga kutsi kungaba namuphi umphumela kugcolotela makhalekhikhini sikhatsi lesidze, esimeni semphilo yemuntfu? Chaza ngemaphuzu LAMABILI. (2)
- 1.1.10 Nangabe bewungaba nguNdvunankhulu weLitiko Letasekhaya esifundzeni sangakini, ngutiphi tinyatselo LETIMBILI lebewungatitsatsa kugwema lokuhlala sikhatsi lesidze kwebantfu labatewufuna lusito emahhosisini eLitiko Letasekhaya banganakwa ngenca yekusetjentiswa kwabomakhalekhikhini. (2)
- 1.1.11 Uyavumelana yini naloluhlelo lwahulumende loluhlongotwako lwekusetjentiswa kwemathebhu lethi kunemabhuku ekufundza etikolweni? Sekela imphendvulo yakho ngemaphuzu LAMABILI. (2)

1.2 Fundza lesibonwa bese uphendvula imibuto lelandzelako.

### ITHEKSTHI B



[Itsetfwe: <http://www.motors.com>]

- 1.2.1 Yini lekhomba kutsi loloshayelako akatihloniphi timphawu temgwaco? (1)
- 1.2.2 Lwentiwa yini loluhlobo lwalemoto kutsi lungetayelekile lapha eNingizimu Afrika? Nika KUNYE. (1)
- 1.2.3 Ucabanga kutsi yini lebeyifanele yentiwe ngumshayeli kuvikela kuphatanyiswa ngulomakhalekhikhini wakhe? Bhala KUBILI. (2)
- 1.2.4 Uyavumelana yini nekutsi lona losembikwalemoto seyivele imshayisile? Sekela imphendvulo yakho. (2)
- 1.2.5 Ngemaphuzu lamabili, catsanisa loko lokwenteka kuTheksthi B nalomugca lodvwetjelwe endzimeni yesibili kuTheksthi A. (4)

**SAMBA SESIGABA A: 30**

**SIGABA B: SIFINYETO****UMBUTO 2**

Fundza letheksthi bese uyayifinyeta ngemagama langabi ngetulu kwala-80. Sifinyeto sakho sivete emaphuzu lasikhombisa lamayelana **nalokumele kwentiwe batali ekukhuliseni bantfwana.**

**CAPHELA**

1. Sifinyeto sakho asibe ngendlela yetindzima (emapharagrafu).
2. Sifinyeto sakho asivete emaphuzu lamcoka lasikhombisa.
3. Yetama ngalokusemandleni kusebentisa emagama akho nawufinyeta.
4. Akukadzingeki kutsi ubhale sihloko.
5. Khombisa linani lemagama lowasebentisile ekugcineni kwesifinyeto sakho.

**ITHEKSTHI C****KUKHULISA UMNTFWANA**

Sonkhe siyati kutsi nasikhula kuba khona umntfwana lokhula advume ngekuhlakanipha kulokutsite. Batali bakhe bamcindzetela kutsi asebente kamatima lokumenta agcine akhula angadlali nalabanye bantfwana. Wonkhe umntfwana ufisa kujabulisa batali bakhe ngobe imphumelelo yemntfwana isho lukhulu kulowo mtali. Umtali angamkhulisa njani umntfwanakhe ngaphandle kwekumcindzetela?

Nangabe umtali anesiciniseko sekutsi umntfwanakhe uhlakaniphile, kufanele amesekele abuye amkhutsate kuloko lakutsandzako, lokungaba yimfundvo nobe temidlalo kodwa amyekele ente ngendlela yakhe. Khensani Mabaso longumake wemntfwana loneminyaka lesiphohlongo utsi, 'umntfwanami ngalesikhatsi asakhasa, ngacaphela kutsi utsandza umculo, ngabese ngimtsengela tintfo tekudlala umculo. Wafundza ngekushesha, nyalo uhola likwaya esontfweni.'

Umtali angakhononi ngemiphumela yemntfwanakhe nangabe kwentekile yangajabulisi. Loko kungagcine kwenta umntfwana asebente kamatima lokungamholela ekwenteni tintfo ngematata ngobe angafuni kuphoca umtali wakhe.

Kunebantfwana labahlakaniphile labatsandza kuchudzelana nalabanye, bagcine batifakela kucindzeteleka ngobe bafuna kuphuma embili njalo. Hlala phasi nemntfwanakho umtjele kutsi asikho sidzingo sekutsi ahlale aphuma embili kuko konkhe. Nangabe uyabona kutsi kuphumelela kwakhe kubangelwa kusebenta kamatima, ungamcashela umntfu lotamsita lapho angaboni khona ngaphandle kwekutsi ungenelele wena matfupha.

Kubalulekile kutsi umtali acaphele lulwimi lwakhe ngekutsi angasho tintfo letitawucindzetela umntfwana. Zama Ntuli longuSonhlalakahle webantfwana utsi nangabe umndeni uhlange akusho kutsi sekufanele ukhulume ngemiphumela yemntfwana.



Sonhlalakahle uphindze wecwayisa batali kutsi abayekele lokutsi njalo nangabe umntfwana ente kahle, aklonyeliswe. Kumhalalisela ngemlomo nje ngalesinye sikhatsi kwenele. Nanobe kuklomelisa umntfwana kukhutsata, kodvwa nasekumcindzetela kugcine sekutsikameta simo semphilo yakhe ngobe sekumele asebente kamatima njalo kute atewuklonyeliswa. Labanye bantfwana bayatibulala ngenca yekucindzeteleka, labanye ubatfola sebatibukela phasi, labanye bangasakhoni nekulala ebusuku nobe balahle litsemba.

Emphilweni kuyaye kufike sigaba sekutsi umntfwana sewukhulile sewufisa kuba nemlingani. Bonkhe batali abanike bantfwana lutsandvo nelitfuba lekutikhetsela balingani ngaphandle kwekubacindzetela. Bantfwana bangumliba loya embili. Nangabe batali bangabaniki lutsandvo labaludzingako kuloko labafisa kuphumelela kuko emphilweni, bagcina baluhlupho emmangweni.

[Itsetfwe: [www.fabuleuxmag.com](http://www.fabuleuxmag.com)]

**SAMBA SESIGABA B: 10**

**SIGABA C: TAKHI NETIMISO TEKUSETJENTISWA KWELULWIMI****UMBUTO 3: SIKHANGISI**

Fundza lesikhangisi bese uphendvula imibuto lelandzelako.

**ITHEKSTHI D****UMTFUNTI WESIMODENI LOTINTJINTJAKO!!**

1. Likubhadlulelani unemadlana yakho?
2. Titfolele sambulelo sakaMambonya utewus**indza** kulomdlavuta wesikhumba lodlange kulamalanga.
3. Umtfunti waso umelana nato tonkhe timo telitulu.
4. Elugwadvule nasenkhangala uyatfolakala.
5. Timpunga tahlumende tikhona kumelana **nemadelezi** emiholweni.
6. Cindzetela inkinobho utfole **umtfunti** lopholile.

[Itsetfwe ku-[www.google.co.za](http://www.google.co.za)]

- 3.1 Phindza ubhale lomusho lokunombolo 5 bese ubhala mcondvofana egameni lelicindzetelwe.

(1)

- 3.2 Khetsa YINYE imphendvulo. Bhala sinciphiso seligama lelicindzetelwe emshweni lokunombolo ye-6.
- A Cindzetela inkinobho utfole umtfuntjana lopholile.  
B Cindzetela inkinobho utfole umtfuntjwana lopholile.  
C Cindzetela inkinobho utfole umtfuntinyana lopholile.  
D Cindzetela inkinobho utfole umtfuntana lopholile. (1)
- 3.3 Ngabe loku lokukhangiswako kubhekiswe kubobani? Sekela ngaKUNYE lokuvetwe kulesikhangisi. (2)
- 3.4 Tsatsa incenye yesento lecindzetelwe emshweni lokunombolo ye-2 uyisebentise emshweni kuveta letindlela tesento letilandzelako:
- 3.4.1 Lesalibito (1)  
3.4.2 Leyamile (1)
- 3.5 Phawula ngeligama lemkhicito kanye naloko lokukhangiswako. (2)
- 3.6 Utsini umbono wakho ngalengkulumo lekunombolo ye-3 kulesikhangisi lesingenhla? Sekela imphendvulo yakho. (2)
- [10]**

**UMBUTO 4: IKHATHUNI**

Fundza lekhathuni bese uphendvula imibuto lelandzelako.

**ITHESKTHI E**

[Itsetfwe ku-[www.CartoonStock.com](http://www.CartoonStock.com)]

- 4.1 Khokha umusho lonesinongo sekumuntfutisa kulekhathuni lengenhla, uwubhale phasi. (1)
- 4.2 Lukhombani luvelomagama loludvwetjelwe kulekhathuni lengenhla? (1)
- 4.3 Bhala inkhulumo letsatsa luhlangotsi lecatjangwa ngulomake, lephendvula lokushiwo kuye. (1)
- 4.4 Sebentisa ligama leligcanyisiwe emshweni lotakhele wona, kuveta inshokutsi leyehlukile kulena lekulekhathuni. (1)
- 4.5 Yakha umusho ngeligama LINYE lethechniki laloko lokusetjentiswa kulekhathuni lengenhla. (2)
- 4.6 Gucula inshokutsi leletfwa yimphambosi yekwentela emshweni logcanyisiwe kulekhathuni, ivete inshokutsi yenzawo emshweni lotakhele wona. (2)
- 4.7 Ngabe lomusho wekugcina lokhulunywa ngulendvodza lehleti phasi, utsatfwa njengemaciniso ube utsintsa imiva yalabanye yini? Sekela imphendvulo yakho. (2)

(2)  
**[10]**

**UMBUTO 5: IPHROZI**

Fundza lethekesthi lenemaphutsa elulwimi bese uphendvula imibuto lelandzelako.

**ITHEKSTHI F****KUTIGCINA UPHILILE**

Umtimba wemuntfu lomdzala unemanti langemaphesenti la-60 lasita kutsi ukhona kusebenta kahle. Ngelilanga linye umtimba ulahlekelwa ngemanti langemalitha la-2,5. Kute umuntfu ahlale aphilile kufanele abuyisele lamanti lalahleka onkhe emalanga emtimbeni. Kunatsa emanti njalo kwehlisa kukhuluphala. Ucabanga kancono ubuye uphephe nasetifweni. 5

Kute lokunye lokungavala sikhala semanti. Tikhona letinye titselo letifana nemawolintji netibhidvo letinemanti kodwa atisenti silinganiso salawo lafanele uwanatse. Kuyewugeza **endzaweni lenemanti lamanyenti lageletako** akusivali sikhala semanti.

Kunyenti-ke longasitakala kuko nangabe unatsa kahle emanti. Ngeke ube nemlomo lowomile. Umtimba wakho utawuphola ukhona kumelana nesifutsefutse salokushisa kwalamalanga. **Ematsambo emtimba atawusebenta kahle.** Kungcola lokusemtimbeni kutawuphuma kalula. Utawumangala utive unemandla ekubukana nemisebenti yelusuku nobe udle kakhulu. 10

Imphilo iyaphitsitela lomuhla, ugcine ungasabi naso nesikhatsi sekunatsa emanti. Kubalulekile kutsi utitsengele sikhwama sakho lotawufaka kuso emabhodlela emanti lotawasebentisa. Lesikhwama asibe nguleso lesisafiliji. **'Batali, ceceshani bantfwabenu ngekubaluleka kwekunatsa emanti,'** kugcugcutela umeluleki. 15  
Tsela emanti emabhodleleni akho njalo ekuseni nawucedza kuvuka ungetuwukhohlwa!!!

[Itsetfwe: [www.Bona](http://www.Bona). Mabasa 2018]

- 5.1 Bhala ligama LINYE lelima endzaweni yelibintana leligcanyisiwe endzimeni yesibili. (1)
- 5.2 Bhala umusho locindzetelwe endzimeni yesitsatfu, usho kuphika. (1)
- 5.3 Faka ligama lelisha lelibunjiwe esikhundleni seligama lelicindzetelwe emshweni lodvvetjelwe endzimeni yekugcina. (1)
- 5.4 Khetsa YINYE imphendvulo.
- Bhala umusho losendleleni yesimo ngesento lesidvvetjelwe emshweni wekucala, endzimeni yesitsatfu?
- A Uvame kunatsa nje.  
B Uvuka anatse nje.  
C Uhamba anatsa nje.  
D Umane uyanatsa nje. (1)

- 5.5 Sebentisa sandziso sesikhatsi lesisemgceni wekugcina kuletheksthi lengenhla emshweni lotakhele wona. (2)
- 5.6 Tsatsa ligama lelilinani endzimeni yekucala ulisebentise njengesabito emshweni lotakhele wona. (2)
- 5.7 Gucula lomusho lobhalwe wacindzetelwa endzimeni yesine ube yinkhulumombiko, ngekucala ngekutsi: **Umeluleki ugcugcutela ...** (2)  
**[10]**

**SAMBA SESIGABA C: 30**  
**SAMBA SAKO KONKHE: 70**